

लास्सो भेनान तामाडऱ य्हुल्बादा फ्याफुल्ला !!

येशू प्रभु म्हि ल्हुइला पापला सय फाबारी

क्रूसरी सिसी दोसी सोबा धिनदेन

२०८१ छार दिडला ज्याबा

ढान्बा ।

जम्मन य्हुल्बादा परमेश्वरसे शान्ति धोन्स्युगै !!!





## येशू खीष्ट कूसरी तिग्दा सिजी ?


हिन्ना चु जम्बुलिडरी ल्हानान म्हिगदेसे येशू खीष्ट पापी म्हि हिन्ना, थेतवासेलमा कूसरी च्योसी साइवा हिन्ना भिसी पाइसी खवान मुला । तर य्हाड म्हि ल्हुइसे चुह्ण्ड लसी म्हान्वादेन पाइवा जम्मन ताम आसेना आघोना पाइवा गलत तामदेन म्हिला सेमसे खेन्वा ताम जे हिन्ना । थेतवासेलमा चु जजावा कितावरी येशू खीष्ट कूसरी तिग्दा सिजी अथवा खल्ला लागिरी सिजी भिवा तामला वारेरी प्रष्टन घोना लवान मुला ।

## जम्बुलिडरी पाप खाहइ लसी शूरु तजी ?

परमेश्वरला वचन वाइबलरी पाइवा अन्धार परमेश्वरसे स्वर्गदेन जम्बुलिडरी जम्मन स्हे स्होसी जिन्माहेन्से म्हि लहुइदा हेमकोलादेन मिडकोलाला रुपरी स्होस्यहुजी । म्हि लहुइदा शूरुरीन हेमकोलादा आदम ओच्छे, मिडकोलादा हव्वा भिसी सुइजी । थेनीदा परमेश्वरसे अदन भिवा औधिन जेवादेन ज्यवा बगैचारी चिपुइजी । चु

तामला वारेरी परमेश्वला वचन वाइबलला जम्मन भन्दा डाच्छाला किताव शूरु (उत्पत्ती २:६-८) पदरी चुहइ लसी भिवा मुला,

“परमेश्वरसे स्यारपट्टि अदन भिवा बगैचा गिक स्होजी, ओच्छे थेसे स्होवा म्हिदा थेनोन बगैचारी चिपुइजी ।”



थे जम्मन भन्दा ज्यवादेन जेवा बगैचादा खाहइ लसी च्यावा ओच्छे, थेरी खाहइ लसी चिवा भिवा तामला वारेरी परमेश्वरसे आदमदेन हव्वादा चुहइ लसी सुइवा मुवा, ओच्छे, परमेश्वरसे म्हिदा चुहइ भिसी कुल्जी “बगैचारी मुवा जम्मन रोगदे एसे आलोइनान चसै तला, तर ज्यवादेन आज्यवाला


ज्ञान पिन्वा दोडला रो चा एसे आचउ, तिग्दा भिसम जुन  
दिनरी एसे थे चला ए पक्कान सिला'' (उत्पत्ती २:१६-१८)

परमेश्वरसे म्हिदा धन्देला धुइला वैज्ञानिकगदेसे  
स्होबा यान्त्रिक (रोवर्ट) ह्इवा स्होआस्थुनी । तर खालैला  
तहरी आचिना ह्वाडलान तरिकासे सोसी चिखम्बा म्हि  
स्होस्थुजी । आदमदेन ह्वा खालैला तहरी आचिना बगैंचाला  
कनाकुनी कोर्सी भ्रवा ओच्छे बगैंचा न्हडरी मुवा जम्मन  
जातला जन्तुगदेदेन छ्याम क्लाड्सी ताड्सी चिवा मुवा ।  
आदनना बगैंचारी डाहा लवा, लोभ लवा, य्हो लवा, म्हि  
साइवा, स्हान्दोदेनछ्याम  
ब्रेल्सी भ्रवा, दुख कष्टदेन  
क्रावा क्रिड्वा भिवा ताम  
चा मुनोन आरेवा । थेरी  
औधिन ताड्वा ताम जे  
मुवा । आदमदेन ह्वासे  
परमेश्वरदेन छ्याम चिसी  
संगती लवा मुवा ।



तर दुष्ट शैतानसे आदमदेन ह्वाला ज्यवादेन जेबा  
ल्हुइदा नाश लबारी डाच्छाहेन्सेन मौका च्यासी चिवा मुवा ।  
तिरेकुनु ह्वा गिक जे मुवा धुइरी मौका याड्सी शैतानसे  
म्हिदेन परमेश्वरला गुडरी ढिक्सी चिवा तामदा न्होड्ना लसी  
परमेश्वरग्याम म्हिदा फेना लजी ।

चु तामला वारेरी परमेश्वला वचन वाइवलरी चुह्ण्ड  
 लसी भ्रिवा मुला, “परमप्रभु पमेश्वरसे स्हेड्वा जन्तुगदे न्हडरी  
 पुखी जम्नन भन्दा आज्यवा जन्तु मुवा, पुखीसे म्रिडकोलदा  
 तिग परमेश्वरसे एनीदा वगैंचाला खजिवै दोडला रो आचउ  
 भिसी कुल्वा मुला भिसी इयोइमा? म्रिडकोलासे चुह्ण्ड भिसी  
 भिजी, वगैंचाला दोडगदेला रो इन्छे चवारी तला, तर  
 वगैंचाला गुडरी मुवा दोडला  
 वारेरी चा परमेश्वरसे चुह्ण्ड  
 भिसी सुड्वा मुला, थे चा  
 आथुगो ओच्छे आचउ  
 आहिनसम एनी सिला, दोसी  
 पुखीसे म्रिडकोलदा चुह्ण्ड भिजी,  
 एनी आसी । तिगदा  
 भिसम परमेश्वरदा था मुला  
 जुन धिनरी एनीसे थे रो चला  
 थेनोन धिनरी एनीला मी ठ्वाडला ओच्छे ज्यवादेन  
 आज्यवाला ज्ञान याड्सी एनीनोन परमेश्वर ह्ण्डवान दोला ।  
 जमाहेन्से म्रिडकोलासे थे दोडला रो चवारी ज्यवा, च्यागे  
 म्हान्वा खाल्लादेन ज्ञान बुद्धि याड्बारी थे दोडला रो चतो:वा  
 चिम भिसी म्राड्जी । थेतावासेलमा म्रिडकोलासे थे दोडला रो  
 थुसी चजी । ओच्छे थेला ह्ण्डोदाएनोन पिन्जी, थेला  
 ह्ण्डोसेएनोन चजी ।” (उत्पत्ती २:१६-१८) शैतानसे चुह्ण्ड




लसी लुसीला ताम पाड्मा ड्यान्सी परमेश्वरसे आथुर्गो, आचउ भिसी कुल्वा दोडला रो चजी । थे विशेष दोडला रो आचउ भिसी परमेश्वरसे डाच्छान आदमदेन हव्वादा होशियार तना लबा मुवा । थे रो हव्वासे जे चवा आहिन तर आदमदाएनोन चपुड्जी । परमेश्वरसे आचउ भिसी कुल्वा रो चसी आदमदेन हव्वासे परमेश्वरला डोन्छाडरी पाप लजी । परमेश्वरसे कुल्वा ताम आड्यान्वान पाप हिन्ना भिसी परमेश्वरला वचन बाइवलसे पाड्वा मुला ।

## परमेश्वरसे कुल्वा ताम आड्यन्वाला ज्याला

हव्वा परमेश्वरला डोन्छाडरी अपराधि (पापी) दोजी । आबा आमासे हाडला भा जामेदा आलउ भिसी कुल्वा ताम आड्यान्वा हड्वान तवा मुवा अदनना बगैचारी । परमेश्वरसे कुल्वा ताम आड्यवासेलमा याड्वा डाच्छारेमला ज्याला चा आदमदेन हव्वासे हाडला लहुइ लिगन्डी चिम भिसी था याड्जी । ओच्छे हाडला लिगन्डी लहुइदा गाप्वारी दोडला भागदे थुड्सी क्वान स्होसी क्वान्जी । चु ताम परमेश्वरला वचन बाइवलला उत्पत्ति ३:७ पदरी प्रष्टन मुला । थेतवासेलमा थेनी परमेश्वरला डामरी निबारी लोड्जी । ओच्छे परमेश्वरग्याम लाजी । परमेश्वरग्याम लाबारी म्हाइसैनोन परमेश्वरसे थेनीसे पाप लबा ताम था याड्सी बगैचारी म्हाइवान फेप्जी ।

परमेश्वरसे आदमदेन हव्वादा डाइ आचउ भिसी कुल्वा रो तिगदा चवा भिसी ड्योइमा, थेनीसे गिक्सेम गिक्दा दोष लजी । चुह्ण्ड लसी जम्बुलिडरी अर्गुदा दोष लवा नैवा ठिक् शूरु तजी । लोभ लवा, पेःवा खवा, लोड्वा, अर्गुदा दोष लवा चुह्ण्डवा जम्मन नैवा तामगदे चा परमेश्वरसे कुल्वा ताम आड्यान्वासेलमा याड्वा ज्याला हिन्ना । चुह्ण्ड लसी आदमदेन हव्वासे परमेश्वरसे आथुर्गो ओच्छे आचउ भिसी कुल्वा दोडला रो चवासेलमा जम्बुलिडरी पाप शूरु तजी । लुसीला ताम पाड्सी परमेश्वरसे कुल्वा तामदा आड्यान्ना लवा, नैवा पुखी ओच्छे परमेश्वरसे कुल्वा तामदा वास्ता आलवा आदमदेन हव्वा परमेश्वरला डाच्छा ल्हानान अपराधी (पापी) दोजी । थेतवासेलमा आदमदेन हव्वासे अदनना ज्यबादेन जेवा बगैचारी चिआम्याड्नी ओच्छे परमेश्वरसे थेनीदा अदनना वैचाग्याम तेसी तप्जी ।



जमाहेन्से परमेश्वरसे थेनीसे लवा अपराधला सजाय तोगब लसी पिन्जी । अदनना बगैचारी लवा अपराधला सजाय सितोला भिसी तोगब लवा मुबा । तर परमेश्वरसे म्हिसे नाखम्बा सजाय तोगब लसी पिन्जी । सजायदेन छ्याम

छ्याम परमेश्वरसे आदमदेन हव्वादा सन्तान बढव लवान  
निउ भिसीनोन मोलम पिन्जी ।

चुह्ण्ड लसी आदमदेन हव्वाग्याम शूरु तवा म्हि य्हुल  
तिनी जम्बुलिडरी ६.५ अरव भन्दा ल्हानान तसी जिन्वा मुला  
। आदमदेन हव्वाग्याम ल्हानान सन्तान बढव तवान निसैनोन  
म्हिगदेसे हाड हाडला सेमसे म्हांवा अन्ध्रार लसी भ्रवासेलमा  
अर्गुन खाल्ला पाप शूरु तजी । म्हिगदेसे परमेश्वरसे कुल्वा  
ताम ड्यान्वा ख्लाजी । थेतवासेलमान जम्बुलिडरी लोभ लवा,  
डाहा लवा, य्हो लवा, म्हि साइवा, स्थान्दोदेनछ्याम ब्रेल्छी  
भ्रवा चुह्ण्डवा ल्हानान खाल्ला आज्यवा तामगदे लवान  
निवासे लमा म्हिला गती भन भन न्होडूसी निजी । थेतवासे  
लमा म्हि य्हुल अशान्तिदेन दुखरी बोल्सी चितो:जी । तर  
परमेश्वरसे म्हि य्हुलदा शान्तिदेन ढुक्क तसी सोसी चिवाला  
लागिरी हाडदा तेन्वा ज्यवा ठिम स्होसी पिन्जी । परमेश्वरसे  
हाडसे स्होवा जम्मन स्हेगदे भन्दा घेन, म्हि य्हुलदा पापला  
तहग्याम फेवारी ल्हानान हाडला अगमवक्तागदेदा धम्सी  
म्हिगदेला गुडरी पुइखजी । तर म्हि य्हुलसे थे अगमवक्ता-  
गदेदा डोआसेनी ओच्छे, सदन पाप गे जे लसी चिजी । पापला  
नुष्वा व्हाडरी ताइवान निमाहेन्से म्हि य्हुलसे स्वर्गदेन नर्गला  
ताम लवारी छ्याइजी । म्हि सिमाहेन्से सदन चितोवा थे  
नर्गरी क्रावा क्रिडवादेन स्वा क्रेवा जे तला, थे सजयग्याम  
स्योवारी ओच्छे, स्वर्गला अधिकार याइवारी जम्मन म्हिसे हाड  
हाडला सेमसे म्हांवा अन्ध्रारला धर्म तेन्वा ठिमगदे स्होवारी



शूरू लजी । चुनोन ठिम दान्देधोनाएनोन म्हिगदेसे तेन्वान  
 मुला । परमेश्वरला वचनरी पाड्बा अन्ध्रार स्वर्गरी  
 जुकजुकधोना शान्तिदेन ताड्बा नेवा जे तला । थेरी दुख  
 कष्ट, सिवादेन खेन्वा फुड्बा भिवा तनोन आत म्हि ल्हुइ  
 सिमाहेन्से स्वर्गरी निवाला लागिरी म्हिगदेसे थरी थरीला धर्म  
 तेन्वा ठिमगदे स्होसी परमेश्वरदा ताड्ना लवा गे लवारी  
 म्हाइजी । तर म्हिगदेसे स्होवा ठिमगदे ठिक आहिन भिवा  
 ताम परमेश्वरदा था मुवा । थेतवासे लमा म्हिगदेदा नर्गला  
 दुख कष्टला सजायग्याम फेसी सोना लवारी परमेश्वर  
 ह्वाडनोन म्हि ल्हुइला रुप किन्सी  
 तिनी भन्दा दुइ हजार वाह्वा वर्ष  
 डाच्छा जम्बुलिडलान गुडला  
 ट्युल्सा इस्राएल य्हुल्साला  
 वेथलेहेम भिवा नाम्सारी  
 मरियम भिवा कन्य म्निडकोलला  
 कोखग्याम केवा किन्स्य्हुजी,  
 येनोन येशू खीष्ट हिन्ना ।



## येशू ख्रीष्ट खला हिन्ना?

येशू परमेश्वरला भा अथवा परमेश्वरनोन हिन्ना भिसी परमेश्वरला वचन वाड्बलसे प्रष्टन घोना लसी पाड्बा मुला । येशू ३० वर्ष तमाहेन्छे म्हिगदेला गुडरी ह्वाडला गे शूरु लसी उन्जी । येशूसे लबा गेदेन थेनोन परमेश्वर हिन्ना भिवा तामला वारेरी परमेश्वरला वचन वाड्बलला ६६ वटा किताब न्हडला चार वटा किताब (मत्ती, मर्कूस, लूकादेन यूहन्ना) री ज्यना लसी पाड्बा मुला । येशूसे सिबा म्हिदा सिबाग्याम सोना लजी, थेह्द लसीन आखम्बा ल्हानान म्हिगदेदा खम्ना लजी । ओच्छे, गोर्नी ताड्दादेन गोर्डा गेडसे हजार इहा भन्दा ल्हानान म्हिगदेदा मेन्ना चवारी छयोना लजी । थेह्द लसीन प्राडबोदेन दुख याड्बागदेदा माया लजी । ओच्छे, थेनीगदेसे थावा याड्सी स्वर्गला यहुल्सारी वाड्म्याड्गै भिसी परमेश्वरला यहुल्साला वारेरी लोप्जी ।



## म्हि यहुल्ला पाप मेटव लबारी येशूला बलिदान

म्हि यहुल्ला पापला दोइ ल्हानान ल्हिवादेन गाहो मुला । चुह्ण्ड्वा पापरयाम म्हि ह्युल्से धर्म तेन्वा ठिम, पशू बलिदेन ज्यवा गेसे फेबारी खम्नोन आखम चुला बारेरी बाइवलसे चुह्ण्ड् भिसी पाड्वा मुला, “परमेश्वरसे म्हान्वा अन्ध्कार भ्रवा म्हि खालै आरे, गिकनोन आरो” (रोमी ३:१०) भर्खर न्हवा कोलागदेदा च्याखम्ला

थेनीगदेला सेम भोमो खवा, डाहा लवा, लोभ लवा ह्ण्ड्वा आज्यवा तामसे प्लिड्वा तमुला, जजा कोलागदेदा चुह्ण्ड्वा तामगदे घेनसे लोप्आतो: । चु मी आमाला कोखहेन्सेन शुरु तला । चुह्ण्ड्



लसी जम्नन म्हि ह्युल पापला व्हाडरी ताइवान निवा धुइरी थेग्याम तेबाला लागिरी अर्गु खालैला ह्योतो:वा मुवा । परमेश्वरसे स्होवा जम्नन स्हेगदे न्हडरी म्हि ह्युल्दा ल्हानान माया लस्युजी । थेतवासेलमा म्हि यहुल्दा पापला व्हाडग्याम तेसी थार्ना लबारी परमेश्वर ह्वाडनोन म्हि ल्हुइला रुप किन्सी चु जम्बुलिडरी फेप्खजी । ओच्छे म्हि यहुल्ला पापला छे चुदे ल्हाना मुवासेलमा थेसे ह्वाडला ल्हुइदा कलवरी भिवा गडरी फेप्सी क्रूसरी बलिदान पिन्जी ।

## येशूसे ह्याडदेन डाला लागिरी कलबरी गडला क्रूसरी तिग लजी ?

ह्याडदेन डाला ल्हानान ल्हवा पापला दोइ पुइसी येशू खीष्टसे ह्याडला ल्हुइ क्रूसरी बलिदान पिन्जी । तिनी ह्याडदेन डाइ नातो:बा घेन पापला सजाय थोसी येशूसे क्रूसरी सजाय नाजी । ह्याडला पापला छे, फावारी थेसे क्रूसरी भालासे भ्लोसैनोन नासीन स्थुजी । चुहड् लसी ह्याडदा नर्गला लोडवा खवा मेला घ्योइग्याम तेवारी येशूसे ह्याडला काला सय पिन्जी । ह्याडदा चु ल्हुइ सिमाहेन्से स्वर्गरी भोर्बारी येशूसे क्रूसरी दुख कष्ट नासी ह्याडला प्राण पिन्स्युजी ।



## येशू खीष्टनोन परमेश्वरला रुप हिन्ना

येशू खीष्ट क्रूसरी सिवाला सिवान आतनी तर थे सिवा भन्दा डाच्छान वचनरी पाड्वा अन्धार सिसी सोमरेमाकुनु सिवाग्याम दो:सी सोजी, चु धिन्दा अंग्रेजीरी इस्टर सण्डे भिमुला । येशू खीष्टसे थे सोमरे न्हडरी डाच्छान

सिवा धुर्सा न्हडरी मुवा म्हिगदेदाएनोन परमेश्वरला य्हुल्साला समाचार थेःना लजी । येशू सिवाग्याम दोःसी सोमाहेन्से चालीस धिनधोना ह्वाडला चेलागदेदेन छ्याम धन्छ्याजी । ओच्छे जैतुन भिवा गडरी फेप्सी ग्यार्जा गिक भन्दा ल्हानान म्हिगदेला गुडग्याम स्वर्गरी फेप्जी ।

परमेश्वरला वचन वाइबलरी पाड्वा अन्ध्रार येशू खीष्ट चु जम्बुलिडरी दोःसी फेखवान मुला । डाच्छा फेखमा जम्बुलिडला जम्मान म्हिदा थार्वा पिन्वा ग्लेदोसी फेखजी । धहेन्छे दोसी फेखवा धुइरी चा येशू खीष्ट



जम्बुडिला जम्मान म्हि य्हुल्ला निसाफ लवा ग्ले दोसी फेखवान मुला । थे धुइरी जम्बुलिडरी मुवा सिवा, सोबा जम्मान म्हिगदे येशू खीष्टला डाच्छा राप्तोःला ओच्छे ह्वाड ह्वाडसे लवा गेला हिसाव उन्तोला । चुला वारेरी परमेश्वरला वचनरी चुहड लसी भिवा मुला “डाला ताम थेःसी एनीगदे उदेक आतउ । तिगदा भिसम चुहडवा धुइ खवान मुला, थे धुइरी परमेश्वरसे पुइखवा म्हिला (येशूला) काइ थेःसी सिवागदे जम्मान दोःसी सोला । ज्यवा गे लवागदे जुकजुकधोनाला जुनी याड्वारी दोःसी सोला ओच्छे आज्यवा गे लवागदे सजाय नाबाला लागिरी दोःसी सोला ।” (यूहन्ना ५:२८-२९)

## हडसे जुकजुकधोनाला जुनी याड्सी स्वर्गरी चिबारी तिग लदोला ?

येशू खीष्टनोन थार्वार् पिन्वा सत्य परमेश्वर भिसी थेदा सेमहेन्सेन विश्वास लतोःला । ओच्छे थेसे कुल्वा अन्ध्रार लसी थेदा जे तेन्सी भ्रतोःला । येशू खीष्टदा ह्वाडला सेमहेन्से थार्वार् पिन्वा प्रभु भिसी विश्वास लवा म्हगदे ह्वाडला पाप मेटव लजी भिवा तामरी हुक्क तसी जुकजुकधोना स्वर्गरी चिम्याड्ला भिवा तामरी पक्क आश लसी चिवा मुला । चुदे ह्वाडसे येशू खीष्टदा सेमहेन्सेन विश्वास लवा आरे, ओच्छे जम्बुलिडला पापग्याम फेसी जुकजुकधोना स्वर्गरी चिम्याड्ला भिवा तामरी सेम न्ही तसी कोल्सी स्थुवान मुला भिसम, तिनी ह्वाडसे पढव लस्थुवा वचनसे ह्वाडला सेम थुर्जी तला भिसी डाइ म्हान्वा मुला चुदे ह्वाडला सेम थुर्जी भिसम । तिनीन थार्वार् पिन्वा प्रभु येशूदा ह्वाडला सेमहेन्सेन विश्वास लस्थुगो, ओच्छे जुकजुकधोना स्थुम्याड्वा स्वर्गरी फेप्वारी हुक्क तस्थुगो भिवा डाला विन्ती मुला ।



## येशूदा हाडला सेमरी थांबा (ग्रहण लवा) तरिका

येशू प्रभु डा पापीदा क्षमा लस्युगो, तिग्दा भिसम डाइ चु  
भन्दा डाच्छा सेसी आसेना हाडला विरोधरी पाप गोगदे  
लवा मुला । चु जम्मन पाप रे ख्लाबारी डादा ह्यो लस्युगो ।  
येशू प्रभु हाड जे थार्या पिन्वा परमेश्वर हिन्ना भिसी  
डाइ तिनी था याड्जी, हाडदा ल्हानान धन्यवाद ।  
डाइ तिनीहेन्से डाला सेमहेन्से हाडदा विश्वास  
लवा मुला, हाड डाला सेम न्हडरी धन्छ्यागो ।  
तिनी हाडसे डादा परमेश्वरला भा  
(सन्तान) स्होबाला लागिरी येशू  
प्रभु हाडदा ल्हानान धन्यवाद,  
येशू प्रभुला मिनरी आमेन ।

